



DASAR GETAH ASLI MAMPAH

KEMAS KINI DISEMBER 2021

Pirelli komited untuk menggalakkan, membangunkan dan melaksanakan pemerolehan dan penggunaan getah asli yang mampan dan bertanggungjawab di sepanjang keseluruhan rantaian nilainya.

Dengan permintaan seluruh dunia untuk getah asli yang dijangka akan meningkat, tadbir urus yang mampan bagi rantaian bekalan getah asli adalah penting untuk memelihara hutan dan biodiversiti serta untuk membolehkan pembangunan jangka panjang bagi komuniti dan ekonomi tempatan.

Dari hulu ke hiliran, rantaian bekalan getah asli adalah termasuk Pengeluar/Peladang, Peniaga, Kilang Pemprosesan, Syarikat Perdagangan dan Pengilang. Pirelli berada di kedudukan terakhir rantaian, sebagai Pengilang Tayar yang tidak memiliki ladang getah asli atau kilang pemprosesan.

Dalam konteks ini, Pirelli ingin menjadi sebuah syarikat yang aktif dalam melaksanakan usaha-usaha global ke arah kemampamanan getah asli, dan dengan tujuan ini, akan bekerjasama dengan rantaian nilainya dan sektor industri bagi meningkatkan ketelusan dan membangunkan lagi proses dan instrumen untuk menambah baik keupayaan menggesa menggunakan pendekatan berdasarkan risiko.

Pirelli memerlukan syarikat usaha sama, pembekal dan subkontraktor mereka yang terlibat dalam pengeluaran, pemprosesan dan pemasaran getah asli untuk mempunyai sistem pengurusan yang sesuai bagi memastikan pematuhan terhadap undang-undang dan peraturan serta mengikut prinsip-prinsip Dasar ini.

Dasar getah asli mampan Pirelli adalah berdasarkan tonton-tonton berikut.

I. MENJAGA PARA PEKERJA

Melindungi Hak Asasi Manusia dan menggalakkan persekitaran kerja yang baik

Menghormati hak asasi manusia sejagat dan perlindungan bagi kesihatan, keselamatan dan kesejahteraan kakitangan adalah merupakan prinsip-prinsip penting dan tidak boleh disangkal. Pelindungan keselamatan ini tertakluk kepada semua pekerja, termasuk pekerja kontrak, sementara dan migran.

Pirelli menghendaki semua pihak dalam rantaian bekalannya:

- untuk mengamalkan standard pencegahan, penilaian dan pengurusan yang tinggi bagi risiko Kesihatan dan Keselamatan Pekerjaan;
- untuk menyokong kepelbagai dan mengelakkan diskriminasi berdasarkan jantina, status perkahwinan, orientasi seksual, agama atau fahaman politik, keahlian kesatuan, etnik dan bangsa, kewarganegaraan, umur, latar atau status sosial, ketidakupayaan fizikal atau mental;
- untuk mematuhi undang-undang tempatan, kebangsaan dan antarabangsa yang terpakai berkenaan hak asasi manusia dan hak pekerja serta mendukung Prinsip Panduan PBB mengenai Perniagaan dan Hak Asasi Manusia (UNGPs);
- untuk menggalakkan persekitaran kerja yang memuaskan, termasuk kontrak pekerjaan tetap gaji yang sekurang-kurangnya sama dengan gaji minimum negara untuk kerja yang setara, waktu kerja yang menurutundang-undang, kebebasan untuk membentuk atau menyertai kesatuan dan untuk berunding secara kolektif selaras dengan undang-undang kebangsaan dan antarabangsa yang terpakai, menyokong pekerja yang tinggal di ladang untuk memperoleh akses kepada sumber yang diperlukan bagi persekitaran kehidupan yang memuaskan seperti yang dijelaskan dalam Konvensyen ILO 110;



- untuk tidak bertoleransi terhadap apa-apa bentuk eksplorasi buruh, buruh kanak-kanak, buruh paksa atau wajib, atau apa-apa bentuk penderaan atau paksaan terhadap kakitangan langsung dan pekerja yang diambil bekerja sepanjang rantai bekalan.

Memupuk pembangunan komuniti tempatan dan mencegah konflik berhubung pemilikan tanah

Pembangunan ekonomi dan sosial komuniti tempatan, bermakna mewujudkan peluang kerja dan meningkatkan kebolehpasaran populasi tempatan, meningkatkan taraf hidup dan mengelakkan daripada membuat apa-apa sumbangan dengan sengaja, secara langsung atau tidak langsung, kepada tindakan yang mungkin menjelaskan komuniti atau populasi tempatan.

Pirelli mengiktiraf hak orang asal dan komuniti yang bergantung pada hutan untuk mengakses dan menerima manfaat secara adil daripada sumber hutan.

Pirelli menghendaki pembekalnya:

- untuk mematuhi undang-undang tempatan, kebangsaan dan antarabangsa yang terpakai bagi penggunaan tanah dan untuk melaksanakan operasi selaras dengan Deklarasi PBB Terhadap Hak Orang Asal (UNDRIP);
- untuk bertindak dengan bertanggungjawab, menyokong persekitaran tempat tinggal yang baik untuk komuniti tempatan dan mengelakkan daripada menjelaskan bekalan makanan tempatan, memberi pampasan yang adil kepada komuniti tempatan atas langkah-langkah pemuliharaan atau penggunaan tanah komersial;
- untuk menghormati dan melindungi hak pemegangan tanah adat, tanah tradisi dan tanah bersama;
- untuk berusaha tidak menggunakan pendekatan pemerolehan tanah berskala besar;
- untuk menggalakkan pembangunan budaya komuniti tempatan;
- untuk menyokong akses kepada pendidikan bagi komuniti tempatan.

Risiko menyumbang dengan sengaja, secara langsung atau tidak langsung, kepada tindakan yang mungkin membawa kepada pengambilan tanah secara tidak sah dan/atau menjelaskan komuniti atau populasi tempatan perlu dielakkan dan sehubungan dengan itu, pembekal Pirelli, terutamanya jika dan apabila mewujudkan atau mengubah kawasan perladangan dan/atau industri, dikehendaki untuk menggunakan kaedah dan Garis Panduan Persetujuan Bebas, Terdahulu dan Termaklum (FPIC) yang dibangunkan oleh Program PBB-REDD, dengan itu termasuk pampasan atau penginapan melalui langkah-langkah yang sesuai dan dipersetujui bersama apabila operasi mencerobohi hak-hak Orang Asal dan Komuniti Tempatan (IP/LC).

Apabila operasi sebelum ini menyebabkan atau menyumbang kepada pengambilan atau merosakkan tanah, kawasan atau sumber IP/LC tanpa menggunakan FPIC, pembekal Pirelli dikehendaki untuk mengambil langkah-langkah bagi menyediakan pemulihan melalui prosedur-prosedur yang dipersetujui bersama. Pelaksanaan dipantau bersama dengan komuniti dan/atau dengan pihak ketiga yang dipersetujui bersama.

II. MELINDUNGI EKOSISTEM, FLORA DAN FAUNA

Di sepanjang kitaran bahan secara keseluruhan, penambahbaikan yang berterusan terhadap impak alam sekitar menandakan proses penilaian, penjagaan dan kemungkinan membaik pulih ekosistem sambil mengelakkan, mengurangkan atau memulihkan kesan alam sekitar yang buruk terhadap sumber, perubahan iklim, ekosistem dan flora dan fauna.

Sejajar dengan pendekatan ini, Pirelli menghendaki pihak-pihak dalam rantai bekalannya:



- untuk mematuhi undang-undang alam sekitar tempatan, kebangsaan dan antarabangsa yang terpakai;
- untuk membangunkan pelan penggunaan tanah yang sewajarnya untuk mengelakkan eksploitasi sumber semula jadi secara berlebihan, untuk menyimpan sumber air di permukaan dan di dalam tanah, melindungi kualiti air dan mengelakkan pencemaran daripada bahan kimia pertanian dan industri, hakisan dan pemendapan;
- untuk melindungi kualiti tanah, mengelakkan hakisan, degradasi nutrien, penenggelaman dan pencemaran;
- untuk mematuhi undang-undang dan peraturan berkenaan penggunaan produk kimia dalam sektor industri dan untuk menguruskan bahan kimia bagi memastikan pengendalian, pergerakan, penyimpanan, penggunaan, pemulihan atau pembuangan yang selamat.
- untuk menguruskan operasi yang meminimumkan kadar penggunaan tenaga, meminimumkan dan mengurangkan emisi karbon dan memaksimumkan kecekapan sumber semula jadi serta untuk mengurangkan, menguruskan dan memulihkan sisa yang terhasil;
- untuk menggunakan proses dan teknologi yang bersesuaian bagi mengurangkan bau yang dihasilkan oleh pengisaran getah.

III. TIADA PEMBASMIAN HUTAN, TIADA GAMBUT, TIADA PEMBAKARAN

Pirelli menyokong perlindungan, pemeliharaan dan pemuliharaan hutan primer dan semula jadi serta kawasan yang mempunyai nilai alam sekitar yang tinggi, termasuk ekosistem utama tanah gambut dan landskap hutan yang utuh yang mungkin menerima kesan buruk disebabkan oleh pembangunan penanaman getah dan menggesa rantaian bekalannya:

- untuk mengelakkan apa-apa bentuk pengeluaran getah pada tanah gambut yang diketahui;
- untuk mengelakkan penggunaan api dalam persediaan penanaman baharu, penanaman semula atau apa-apa pembangunan baharu;
- untuk menggunakan pendekatan Nilai Pemuliharaan Tinggi (HCV) dan Stok Karbon Tinggi (HCS) yang diiktiraf di peringkat antarabangsa. Pirelli menganggap pendekatan tersebut adalah yang terbaik ke arah matlamat Pembasmian Hutan Sifar di samping memupuk pembangunan mampan bagi komuniti tempatan dan memanfaatkan dialog yang terbuka dan adil dengan Pihak Berkepentingan yang terlibat.

Getah asli daripada kawasan pembasmian hutan atau di mana HCV terdegradasi selepas tarikh akhir 1 April 2019 dianggap tidak menurut dasar ini.

IV. MEMELIHARA SUMBER

Pirelli berjanji untuk menggunakan getah asli dalam kaedah yang sangat kualitatif dan efisien, terlibat dalam aktiviti kajian dan pembangunan yang bertujuan untuk mengurangkan jisim purata tayar, memanjangkan hayat tayar dan meningkatkan pemulihan bahan.

Pirelli menggalakkan pendekatan kualitatif dan berkesan yang sama terhadap rantaian bekalannya bagi mengurangkan tekanan terhadap biodiversiti, meningkatkan kecekapan produk serta mengurangkan kos pelupusan.

Sokongan rantaian nilai kepada pengeluar getah asli termasuk pekebun kecil untuk menambah baik kualiti pengeluaran dan getah adalah dianggap sebagai satu keutamaan.



V. ETIKA SEBAGAI ASAS

Memerangi rasuah

Rasuah aktif dan/atau pasif tidak boleh dibiarkan berterusan, dalam apa-apa samaran atau bentuk, dalam apa-apa bidang kuasa yang berkenaan malah di tempat yang kelakuan tersebut boleh diterima, menjadi kebiasaan atau tidak dipersoalkan di mahkamah.

VI. PEMETAAN KEBOLEHKESANAN DAN RISIKO

Pirelli telah mengkaji prosedur untuk mengesan rantaian bekalan getah asli dan rakan kerjasama serta terlibat dengan kontraktor untuk membangunkan dan menggunakan alat pemetaan kebolehkesanan dan risiko sosial dan alam sekitar bersama rantaian relevan yang efisien dan boleh dipercayai, bagi mencapai kebolehkesanan penuh dalam jangka sederhana.

Pirelli tidak dapat menyatakan tempoh proses ini dengan tepat disebabkan pemecahan rantaian bekalan getah asli yang tinggi dan kerumitan proses pemetaan kebolehkesanan dan risiko tersebut. Pirelli akan melaporkan kemajuan yang dibuat mengikut Bahagian XI Dasar ini.

Hasil pemetaan risiko, serta kesanggupan rantaian bekalan untuk terlibat dalam pelan pemulihan apabila perlu, akan memberi kesan terhadap keputusan pembelian dan strategi pembangunan getah asli Pirelli.

VII. TADBIR URUS

Pirelli menghendaki pembekal getah aslinya:

- untuk mematuhi Dasar ini;
- untuk menggalakkannya di seluruh rantaian bekalan yang berkaitan;
- untuk membangunkan dan melaksanakan sistem usaha wajar berkaitan dengan Dasar ini ke arah rantaian bekalan;
- untuk mempertimbangkan penyertaan ke [Platform Global bagi Getah Asli Mampan \(GPSNR\)](#) bagi mendapat manfaat daripada usaha sama untuk memacu dan meningkatkan pembangunan mampan getah asli.

Dasar ini menggabungkan komitmen¹ yang sudah didukung oleh Pirelli ke arah pengurusan mampan rantaian bekalannya dan model pengurusan yang digunakan oleh Pirelli iaitu:

- menggalakkan pembekal untuk melakukan penambahbaikan secara berterusan dengan melaksanakan peluang membina pengetahuan dan aktiviti pembangunan kapasiti secara kendiri, bersama Pirelli dan melalui usaha-usaha kerjasama lain;
- menilai pembekal getah asli yang berpotensi berkenaan prestasi persekitaran, sosial dan etika perniagaan mereka daripada fasa awal sebelum mendapatkan kelulusan pihak berkuasa melalui audit di tapak yang dijalankan oleh pihak ketiga;

¹ Rujukan dibuat kepada komitmen yang diambil oleh Syarikat ke arah pengurusan mampan rantaian bekalannya, secara khususnya menurut: Pirelli [Kod Nilai dan Etika](#), [“Tatakelakuan”](#), [“Dasar Tanggungjawab Sosial bagi Kesihatan Pekerjaan, Keselamatan dan Hak, serta Alam Sekitar”](#), [“Dasar Hak Asasi Manusia Global”](#), [“Dasar Pengawasan Produk”](#), [“Dasar Penyumberan Hijau”](#), [“Dasar Kualiti”](#), [“Dasar Kesihatan, Keselamatan dan Alam Sekitar”](#), [“Program Antirasuah”](#), Pirelli Suppliers [“Klausma Kemampanan”](#), [“Buku Panduan Pembekal Pirelli”](#) and related documentation, [Dasar Pemberi Maklumat](#).

Semua dokumen Pirelli yang dinyatakan ada diterbitkan dalam berbilang bahasa di [Laman Web Pirelli](#).

Pirelli juga merupakan ahli pengasas [Global Platform for Sustainable Natural Rubber \(GPSNR\)](#).



- meminta para pembekal untuk menandatangani klausa kemampanan Pirelli (yang menafsirkan komitmen-komitmen Pirelli di atas kepada hak-hak alam sekitar, manusia dan pekerja secara khusus, termasuk etika perniagaan dan keperluan pematuhan antirasuah bagi pembekal) dengan permohonan rasmi untuk menggunakan model pengurusan mampan yang sama ke dalam rantaian bekalan langsung serta memantau pelaksanaan relevan sewajarnya agar mempunyai kitaran yang baik;
- memantau pematuhan pembekal terhadap klausa kemampanan Pirelli melalui audit di tapak oleh pihak ketiga dan mentakrifkan pelan pemulihan mengikut tempoh yang ditetapkan apabila perlu.

Bukti ketidakpatuhan yang serius dengan Dasar ini atau keengganan untuk menetapkan pelan pemulihan, atau kegagalan melaksanakan pelan pemulihan yang dipersetujui, boleh menyebabkan penggantungan atau penamatan hubungan perniagaan Pirelli dengan pembekal yang berkenaan.

Jika mana-mana pembekal tahap 2 dalam rantaian bekalan Pirelli terlibat dengan bukti ketidakpatuhan yang serius, Pirelli akan membincangkan kaedah terbaik untuk bertindak dengan melibatkan pembekal tahap 1. Kejujuran yang terbukti dan pendekatan proaktif kepada langkah balas adalah dianggap oleh Pirelli sebagai titik permulaan ke arah perkongsian tanggungjawab dan bukannya penamatan serta-merta.

VIII. KERJASAMA DAN DIALOG MEMBINA SEBAGAI PENGARUH UTAMA

Pirelli percaya bahawa cabaran global ke arah kemampanan getah asli memerlukan penglibatan, kerjasama, dialog dan perkongsian antara semua pihak terlibat.

Selain melibatkan diri dengan pembekal, Pirelli juga turut memupuk dan menyokong kerjasama aktif di peringkat industri dan dalam kalangan pihak berkepentingan yang memainkan peranan penting dalam rantaian nilai getah asli dengan keyakinan bahawa selain penglibatan dengan setiap perusahaan tersebut, usaha sama boleh membawa kepada kemajuan yang lebih kukuh dan pantas ke arah pembangunan mampan rantaian bekalan getah asli global.

Pirelli merupakan ahli pengasas [Platform Global bagi Getah Asli Mampan \(GPSNR\)](#) dan bekerjasama dengan inisiatif akademik dan di seluruh industri di peringkat kebangsaan dan antarabangsa untuk membangunkan dasar dan prinsip getah asli mampan global.

Pirelli menyokong aktiviti perancangan oleh berbilang pihak berkepentingan yang mendukung prinsip-prinsip GPSNR pada peringkat landskap, bidang kuasa dan lain-lain bidang setara.

Getah asli yang dihasilkan dan diproses selaras dan mengikut Rangka Kerja Dasar GPSNR adalah diutamakan.

IX. BENTUK PENSIJILAN YANG DIIKTIRAF ANTARABANGSA

Pirelli menggalakkan rantaian bekalannya untuk melibatkan diri dalam sistem pensijilan beraudit pihak ketiga yang diiktiraf di peringkat antarabangsa untuk tadbir urus alam sekitar, sosial dan etika perniagaan yang mampan di semua peringkat rantaian bekalan, daripada ladang sehingga peniaga, kepada kilang pemprosesan dan perdagangan, berakhir dengan proses pembuatan tayar Pirelli.

X. PEAKSANAAN DASAR

Untuk memudahkan pelaksanaan Dasar ini, Pirelli telah menghasilkan [Manual Pelaksanaan](#) khusus dan memberikan sesi latihan dan bahan tersebut kepada pelbagai peringkat rantaian bekalan getah asli termasuk kepada kakitangan yang terlibat dengan proses ini.



Pirelli menyokong dan saling bertindak dengan inisiatif peningkatan kapasiti dan inisiatif pengembangan kapasiti yang bertujuan untuk menjamin pembangunan bekalan pekerja getah asli yang mahir, berkelayakan dan mampan.

Komitmen ini termasuklah membuat keputusan dalam pemerolehan getah asli, pemprosesan dan hubungan perniagaan Pirelli di seluruh Kumpulan dan dianggap sebagai takrif kepada metrik prestasi.

Pirelli juga turut menetapkan petunjuk/metriksasaran dan kemajuan khusus mengikut masa dan kawasan geografi termasuk untuk rakan kerjasama rantaian bekalan Pirelli.

XI. KOMUNIKASI TENTANG KEMAJUAN

Pirelli akan memaklumkan sasaran dan kemajuan pelaksanaan Dasar ini secara berkala melalui saluran rasmi termasuk laman web Syarikat dan Laporan Tahunan Kumpulan.

Apabila terdapat peluang, kemajuan yang dibuat dan halangan yang ditemui akan dibincangkan dalam Dialog Pihak Berkepentingan khas, bertujuan untuk menyokong pelaksanaan Dasar dengan cara yang paling mampan dan efisien oleh pihak yang terlibat dalam rantaian.

XII. PROSEDUR ADUAN

Mekanisme rungutan yang boleh diakses selaras dengan kriteria keberkesanan UNGP dan garis panduan OECD, seperti yang digariskan dalam Lampiran 1, tersedia untuk membolehkan pihak berkepentingan menyatakan aduan mereka secara bebas dan memberi peluang untuk membentulkan kesan buruk yang berpunca daripada pengeluaran atau penyumberan.

Dasar ini tertakluk kepada kemas kini di masa hadapan bergantung kepada hasil dan pengalaman daripada pelaksanaannya di lapangan.

**NAIB PENGERUSI EKSEKUTIF dan KETUA PEGAWAI
EKSEKUTIF**

Marco Tronchetti Provera



LAMPIRAN 1: MEKANISME RUNGUTAN

1. PENGENALAN

Untuk tujuan melaksanakan sepenuhnya dasar pengurusan mampan getah asli (kemudian dari ini disebut “dasar”) dan menjamin sumbangan penting kepada pengurangan dan penghapusan impak negatif, Pirelli menyediakan mekanisme rungutan kepada Pihak Berkepentingan² untuk melaporkan pelanggaran dasar dalam skop keseluruhan rantaian bekalan getah asli.

Dokumen ini menunjukkan penyampaian dan pengurusan laporan rungutan, yang dianggap sebagai pelanggaran atau masalah yang melibatkan Pirelli secara langsung atau tidak langsung (iaitu berbanding dengan pembekal langsung atau tidak langsung dalam skop rantaian bekalan getah asli) dan yang ingin dibangkitkan oleh Pihak Berkepentingan terhadap Pirelli dengan tujuan bagi mengenal pasti sesuatu penyelesaian.

Mekanisme rungutan ini mematuhi kriteria kecekapan yang digariskan dalam Prinsip Panduan Pertubuhan Bangsa-Bangsa Bersatu mengenai Syarikat dan Hak Asasi Manusia dan, khususnya, dalam Prinsip no. 31 “Kriteria keberkesanan mekanisme aduan di luar mahkamah”, dalam perenggan IV “Garis Panduan OECD yang disasarkan untuk Syarikat Multinasional” dan Rangka Kerja Dasar Platform Global bagi Getah Asli Mampan (GPSNR).

2. PRINSIP-PRINSIP UMUM

Pirelli telah berjanji untuk memastikan terdapat dialog yang berterusan dengan pihak pembekal dan dengan pihak berkepentingan yang terlibat dalam rantaian bekalan getah asli, bagi memastikan ia dibekalkan dan digunakan secara mampan.

Semua pelanggaran dasar diuruskan oleh pekerja khas yang dilantik untuk menjalankan peranan selaras dengan tempoh masa dan kaedah khusus yang bergantung kepada penglibatan: (i) Pirelli secara langsung; (ii) pembekal langsung Pirelli; (iii) pembekal tidak langsung Pirelli. Terutamanya:

- Sekiranya melibatkan pembekal langsung, Pirelli berjanji akan mengadakan dialog dengan pembekal tersebut untuk membincangkan masalah yang dibangkitkan dan menentukan tindakan pembetulan, jika perlu. Jika pembekal tersebut tidak memberikan kerjasama atau berjanji untuk melaksanakan tindakan yang dipersetujui, Pirelli boleh mempertimbangkan semula hubungannya dengan pembekal tersebut, termasuk dengan menggantung atau menamatkan semua hubungan komersial dengan pembekal yang sama.
- Bagi bahagian rantaian bekalan yang tidak mempunyai hubungan langsung dengan syarikat, Pirelli menilai pilihan yang tersedia menurut undang-undang untuk membentuk penyiasatan yang sesuai dan memastikan pelaksanaan sebarang tindakan pembetulan (cth. memanfaatkan hubungan dengan pembekal langsung, juga melalui mekanisme rungutan, jika ada). Jika subjek yang dilaporkan tidak bersedia untuk bekerjasama atau tidak berjanji untuk melaksanakan tindakan yang dipersetujui, Pirelli boleh meminta pembekal langsung tersebut untuk menggantung atau menamatkan semua hubungan komersial dengan subjek tersebut.

Semua aktiviti yang berkaitan dengan penyiasatan, serta hasilnya, akan didokumenkan secukupnya.

3. KERAHSIAAN DAN LARANGAN TINDAKAN TIDAK BERPENGARUH

² “Pihak Kepentingan” bermaksud: komponen badan korporat, kakitangan Kumpulan, pelanggan, pembekal, rakan kongsi, penasihat, pemegang saham dan, secara umumnya, pihak ketiga yang terlibat secara langsung atau tidak langsung dalam skop rantaian bekalan getah asli (cth. komuniti tempatan).



Pirelli menjamin kerahsiaan laporan dan data yang terkandung di dalamnya, dalam usaha menggalakkan Pihak Berkepentingan untuk melaporkan kemungkinan kelakuan yang menyalahi undang-undang atau penyelewengan dengan segera, selain menjamin kerahsiaan pemberi maklumat, walaupun laporan tersebut kemudiannya dibuktikan tidak benar atau tidak berasas.

Tiada tolak ansur diberikan terhadap sebarang ancaman, tindakan balas atau diskriminasi ke atas pemberi maklumat atau subjek yang dilaporkan, atau mereka yang telah bekerjasama dalam aktiviti susulan berdasarkan laporan tersebut.

Pirelli berhak untuk mengambil langkah-langkah disiplin dan/atau undang-undang yang sesuai untuk melindungi hak, barang dan imej syarikat:

- terhadap sesiapa sahaja yang menyampaikan laporan palsu, tidak berasas atau bersifat oportunistik dengan niat jahat dan/atau dengan tujuan memfitnah, memburuk-burukkan atau menimbulkan prejudis kepada pihak yang dilaporkan atau orang lain yang disebut dalam laporan tersebut.
- terhadap sesiapa sahaja yang melaksanakan, atau mengancam untuk melaksanakan, tindakan balas kepada mereka yang telah mengemukakan laporan mengikut prosedur ini, tanpa sebarang prejudis ke atas hak pihak yang terlibat untuk melindungi diri mereka mengikut undang-undang jika liabiliti jenayah atau sivil berkaitan dengan kepalsuan maklumat yang diisyiharkan atau dilaporkan telah ditentukan untuk Pihak yang Melaporkan.

4. PROSEDUR PENGENDALIAN

4.1 MENGHANTAR LAPORAN

Pihak Berkepentingan boleh menghantar laporan pelanggaran berkaitan dengan dasar pengurusan mampang getah asli melalui saluran rasmi berikut:

- E-mel: grievance.naturalrubber@pirelli.com;
- Surat bercetak, ke alamat pos biasa: Pirelli & C. S.p.A. – Viale Piero e Alberto Pirelli, 25 – Milan (Itali), untuk perhatian Group Purchasing – Grievance Natural Rubber Department.

Pemberi maklumat hendaklah memberi maklumat berikut bersama laporan:

- Nama dan Nama Keluarga;
- Syarikat dan jawatan berkenaan;
- Nombor telefon/ alamat e-mel
- Keterangan pelanggaran yang disedari;
- Bukti yang menyokong keterangan yang diberikan.

Pirelli menganggap tindakan untuk kekal berhubung secara langsung dengan pemberi maklumat adalah sangat penting dengan tujuan untuk menyelesaikan masalah yang dibangkitkan secara efektif; jabatan yang bertanggungjawab ke atas pengurusan pelaporan (iaitu Pembelian Kumpulan) mengemas kini pemberi maklumat tentang langkah-langkah utama dalam proses (contohnya, memikul tanggungjawab, penutupan penyiasatan, takrif pelan tindakan, dsb.), seperti yang diterangkan dalam perenggan berikut.

Dalam apa juu keadaan, Pirelli berjanji untuk mempertimbangkan juga laporan tanpa nama berkenaan mekanisme yang dijangkakan, sebagaimana yang berkenaan.

4.2 MEMIKUL TANGGUNGJAWAB KE ATAS PELAPORAN



Semua laporan yang diterima melalui saluran rasmi dan tidak rasmi Pirelli direkodkan oleh Jabatan Pembelian Kumpulan yang memaklumkannya kepada Jabatan Audit Dalaman. Satu pemberitahuan penerimaan akan dihantar kepada pemberi maklumat dalam tempoh lima hari bekerja selepas diterima.

4.3 PENGESAHAN KERELEVANAN LAPORAN

Jabatan Pembelian Kumpulan, dengan sokongan Jabatan Audit Dalaman, meneliti laporan yang diterima dengan tujuan untuk menyemak sama ada ia benar-benar merupakan laporan rungutan berkenaan pelanggaran dasar pengurusan mampan getah asli syarikat. Semasa menjalankan aktiviti tersebut, sekiranya perlu, Jabatan Pembelian Kumpulan akan meminta campur tangan oleh jabatan-jabatan lain dalam syarikat dan boleh terlibat dalam perbincangan dengan pemberi maklumat sekiranya mereka memerlukan maklumat lanjut bagi tujuan penilaian.

Apa-apa laporan berkenaan pelanggaran undang-undang, peraturan, prinsip dan prosedur yang tidak berkaitan dengan getah asli akan diproses oleh Jabatan Audit Dalaman selaras dengan “Dasar Pemberian Maklumat Kumpulan”. Setelah itu, penulis laporan akan dimaklumkan tentang hasil penilaian yang dijalankan dalam tempoh 10 hari daripada tarikh pelaporan.

4.4 ANALISIS LAPORAN (SIASATAN)

Sekiranya laporan yang diterima melibatkan Pirelli atau salah satu pembekalnya secara langsung, Jabatan Pembelian Kumpulan akan menjalankan siasatan berkenaan dengan sokongan Jabatan Audit Dalaman dan lain-lain jabatan syarikat yang kompeten, jika perlu. Jika dianggap membantu, Pirelli juga mungkin akan meminta sokongan daripada penasihat luar dengan kepakaran tertentu.

Semasa aktiviti siasatan dijalankan, Pirelli boleh terlibat dalam perbincangan dan bekerjasama dengan pemberi maklumat dan/atau pihak berkepentingan lain yang terlibat secara langsung atau tidak langsung, jika dianggap membantu dan boleh dilakukan untuk kes tersebut sebagai mana yang dinyatakan dalam perenggan 2.

Setiap aktiviti siasatan mestilah didokumenkan dengan mencukupi dan mesti dilengkapkan dalam tempoh tiga bulan daripada laporan, kecuali dalam situasi rumit tertentu yang wajar.

4.5 TAKRIF PELAN TINDAKAN (ATAU PENGARKIBAN)

Jika laporan didapati berasas dan dianggap perlu untuk menjalankan campur tangan yang tertentu dan/atau mengambil langkah-langkah pemulihan, Jabatan Pembelian Kumpulan dengan kerjasama Jabatan Audit Dalaman, bersetuju tentang sesuatu pelan tindakan bersama subjek yang terlibat (selaras dengan tempoh masa dan tanggungjawab yang berkaitan) dalam tempoh sebulan dari tarikh tamat siasatan (kecuali dalam situasi rumit tertentu yang wajar); penulis laporan akan diberitahu perkara tersebut dengan segera.

Jika, selepas hasil analisis laporan diperoleh, laporan tersebut dianggap tidak berasas, dokumen akan diarkibkan dan satu notis penutupan prosedur rungutan dihantar kepada pemberi maklumat, termasuk tunjuk sebab.

4.6 PEMANTAUAN PELAKSANAAN PELAN TINDAKAN

Berdasarkan tempoh masa yang diberikan bagi pelan tindakan, Pirelli (dengan sokongan penasihat luar, jika perlu) akan mengesahkan bahawa tindakan yang dipersetujui tersebut dilaksanakan dengan berkesan, selain melalui kerjasama dengan pembekal langsung dan tidak langsung. Sebaik sahaja pelaksanaan



campur tangan disahkan, prosedur rungutan dianggap telah selesai; satu pemberitahuan berkenaan akan dihantar kepada pemberi maklumat.

4.7 RAYUAN

Sekiranya pemberi maklumat tidak berpuas hati dengan perkembangan dan/atau hasil daripada prosedur rungutan yang dijelaskan di atas, dia boleh menggunakan Mekanisme Rungutan GPSNR selaras dengan kaedah yang ditakrifkan dalam Prosedur Rungutan GPSNR.

5. PENGARKIBAN DAN PELAPORAN

Dalam skop keseluruhan prosedur rungutan, Jabatan Pembelian Kumpulan mengarkibkan semua dokumen yang dikumpulkan dan dihantar kepada pemberi maklumat dan segera mengemas kini senarai rungutan yang diterima, dianalisis dan hasil berkaitan, termasuk memaklumkan Jabatan Audit Dalaman.

Berkenaan laporan yang diterima dan hasilnya, Jabatan Audit Dalaman merujuk kepada Jawatankuasa Audit, Risiko, Kemampanan dan Tadbir Urus Korporat Pirelli & C. S.p.A. secara berkala, dengan sokongan daripada Jabatan Pembelian Kumpulan, jika perlu.

Selain itu, Pirelli juga menyiarkan laporan rungutan yang diterima dan dianalisis kepada umum secara berkala.

6. PEMPROSESAN DATA PERIBADI

Pirelli memaklumkan bahawa data peribadi (termasuk apa-apa data sensitif, berkenaan kaum dan kumpulan etnik, kepercayaan agama dan falsafah, pendapat politik, keahlian parti politik, kesatuan sekerja, serta data peribadi yang akan mendedahkan keadaan kesihatan dan orientasi seksual) pemberi maklumat dan mana-mana orang lain yang terlibat atau diperoleh bagi tujuan pengurusan laporan, akan diproses dengan mematuhi sepenuhnya peruntukan undang-undang perlindungan data peribadi yang berkuat kuasa dan, dalam apa jua keadaan, selaras dengan peruntukan Dasar Perlindungan Data Peribadi Global Pirelli (tersedia di www.pirelli.com) dan terhad kepada data yang diperlukan bagi tujuan pengesahan dan pengurusan laporan.

Pemprosesan data peribadi akan dijalankan oleh Jabatan Pembelian Kumpulan dalam kapasiti sebagai Pengawal Data (kecuali untuk kes yang ditadbir oleh peraturan tempatan yang khusus bagi subjek tersebut), dengan tujuan semata-mata untuk menjalankan prosedur yang ditetapkan dalam dasar semasa dan, oleh itu, bagi menguruskan laporan yang diterima dengan betul, termasuk untuk memenuhi kewajipan undang-undang atau kawal selia berkenaan kerahsiaan, hak dan kebebasan asas serta maruah mereka yang terlibat.

Pengendalian pemprosesan data akan dipertanggungjawabkan kepada kakitangan yang dilantik untuk menjalankan peranan dan dengan latihan khas dalam menjalankan prosedur aduan, di bawah pemantauan Jabatan Pembelian Kumpulan, dengan rujukan khusus kepada protokol keselamatan dan perlindungan kerahsiaan bagi mereka yang terlibat dan bagi maklumat yang terkandung dalam laporan.

Data peribadi yang terkandung dalam laporan boleh disampaikan oleh Jabatan Pembelian Kumpulan kepada badan korporat dan jabatan dalaman yang kompeten dari semasa ke semasa, termasuk kepada Pihak Berkuasa Kehakiman, dengan tujuan untuk mengaktifkan prosedur yang diperlukan untuk menjamin perlindungan kehakiman dan/atau undang-undang berkenaan subjek yang dilaporkan selepas laporan dibuat, sekiranya terbukti bahawa keadaan yang dilaporkan sebelumnya berasas, berdasarkan elemen-elemen yang terkumpul dan pengesahan yang dijalankan.



Dalam sesetengah keadaan, data tersebut juga boleh disampaikan kepada subjek luar yang terlibat dengan analisis laporan yang diterima.

Sepanjang aktiviti yang dijalankan untuk mengesahkan laporan, semua langkah-langkah yang perlu untuk melindungi data daripada dimusnahkan secara tidak sengaja atau menyalahi undang-undang, kehilangan dan penyebaran tanpa kebenaran akan diguna pakai. Selain itu, dokumen-dokumen berkaitan laporan akan disimpan untuk satu tempoh yang tidak melebihi masa yang diperlukan untuk memuktamadkan prosedur yang dinyatakan dalam dasar dengan betul.



LAMPIRAN 2: DOKUMEN RUJUKAN UTAMA ANTARABANGSA

- Rangka Kerja Dasar Platform Global bagi Getah Asli Mampan (GPSNR);
- Rang Hak Asasi Manusia Antarabangsa Bangsa-bangsa Bersatu yang terdiri daripada Pengisytiharan Hak Asasi Manusia Universal, Perjanjian Antarabangsa Hak-hak Sivil dan Politik dan Perjanjian Antarabangsa Hak-hak Ekonomi, Sosial dan Budaya;
- Sepuluh Prinsip Global Compact PBB;
- Konvensyen Hak Kanak-kanak Bangsa-bangsa Bersatu;
- Deklarasi Hak Orang Asal Bangsa-bangsa Bersatu;
- Konvensyen Memerangi Rasuah Bangsa-bangsa Bersatu;
- Matlamat Pembangunan Mampan Bangsa-bangsa Bersatu;
- Prinsip Panduan mengenai Perniagaan dan Hak Asasi Manusia Bangsa-bangsa Bersatu (UNGP);
- Garis Panduan OECD untuk Perusahaan Multinasional;
- Deklarasi Pertubuhan Buruh Antarabangsa PBB (ILO) mengenai Prinsip dan Hak Asasi di Tempat Kerja dan konvensyen yang berkenaan;
- Konvensyen ILO 87 dan 98 mengenai kebebasan berpersatuan dan perundingan bersama;
- Konvensyen ILO 29 dan protokolnya pada tahun 2014 mengenai tiada buruh paksa;
- Konvensyen ILO 111 dan 100 mengenai tiada diskriminasi dan gaji yang setara;
- Konvensyen ILO 105 mengenai penghapusan buruh paksa;
- Konvensyen ILO 110 mengenai Syarat Pekerjaan Pekerja Perladangan;
- Konvensyen ILO 131 mengenai Konvensyen Penetapan Upah Minimum;
- Konvensyen ILO 138 dan 182 mengenai tiada buruh kanak-kanak;
- Konvensyen ILO 184 mengenai Keselamatan dan Kesihatan dalam Konvensyen Pertanian;
- Konvensyen ILO 169 mengenai orang asal dan suku;
- Konvensyen Eropah mengenai Hak Asasi Manusia;
- Program Pertubuhan Bangsa-Bangsa Bersatu Mengurangkan Emisi dari Pembasmian Hutan dan Degradasi Hutan (PBB-REDD);
- Deklarasi New York mengenai Hutan;
- Deklarasi Alam Sekitar dan Pembangunan Rio;
- “Prinsip untuk Pelaburan Bertanggungjawab dalam Sistem Pertanian dan Makanan” dikeluarkan oleh Jawatankuasa Keselamatan Makanan Sedunia;
- Konvensyen Kepelbagaian Biologi;
- Konvensyen “Dagangan Antarabangsa dalam Spesis Terancam Fauna dan Flora Liar”.
- Garis Panduan Sukarela FAO PBB tentang Tadbir Urus Bertanggungjawab bagi Pemegangan Tanah, Kawasan Menangkap Ikan dan Hutan;
- Tatakelakuan Antarabangsa FAO tentang Pengagihan dan Penggunaan Racun Perosak



- Panduan Dewan Perniagaan China Pengimport dan Pengeksport Mineral Logam dan Kimia (CCCMC) untuk Getah Asli Mampan;
- Prinsip dan Kriteria Rundingan Meja Bulat Minyak Sawit Mampan (RSPO).
- Integrasi Nilai Pemuliharaan Tinggi (HCV), Hutan Stok Karbon Tinggi (HCS) dan Persetujuan Bebas, Terdahulu dan Dimaklumkan (FPIC) oleh Kumpulan Pemandu Pendekatan HCS;
- Garis Panduan Penilaian Impak Alam Sekitar dan Sosial (ESIA) dari Majlis Perniagaan Dunia untuk Pembangunan Lestari (WBCSD);
- Standard Prestasi Perbadanan Kewangan Antarabangsa (IFC).